


College activities through the lens



जवाहरज्योति

थामजिसेथि बिद्यान

बोसोर-2008-09



बर' बिफान

BODO SECTION

Vol.- XXXI

2008-09

नेहाथारि
धनमणि बर'

बिबानगिरी
बिजया डेका

गाहाय नेहाथारि
नमल डेका

नायकां बिलाड

ॐ समर ब्रह्म चौधुरिनि 'रादाब' बेनि सायाब मोनसे बिजिरनाय	117
● Bhairabi Boro	
ॐ जीउमा	124
● Rajib Boro	
ॐ रां	124
● Bijoy Boro	
ॐ सिमां	125
● Anjima Narzary	
ॐ दोसे खन्थाय रजेनिसिम	126
● Hadarshree Narzary	
ॐ अर	126
● Krishna Basumatary	

समर ब्रह्म चौधुरिनि 'रादाब' बेनि सायाव मोनसे बिजिरनाय

(A Critical appreciation on Radab by Samar Brahma Choudhury)

Bhairabi Boro
Dept. of Bodo

समर ब्रह्म चौधुरीया बर' राव थुनलाइयाव बर' खन्थाइमानि नैथि थिसनगिरि। बिथाड सासे गोजौ थाखोनि खन्थाइगिरिमोन। बिथाड रादाब मुंनि गांसे सानस्नियारि बर' रादाब बिलाय ककराझारनिफ्राय दिहुनदोंमोन। समर ब्रह्म चौधुरीया बर' समाजनि गेजेराव एबा आसाम नाडैनी सासे सोलोगोनां राजखान्थिगिरि होन्नाबो मिथिजानायमोन। बिथाड Plains tribal council of Assam (PTCA) नि सासे गोखों दैदेन गिरिमोन। ब्रह्म चौधुरीनि रादाब खन्थाइ बिजाबआ 1958 माइथायाव ओखारदोंमोन। बे खन्थाइनि सायाव बिष्णुप्रसाद राभाया गावनि बुंफोरखौ ओरै होदोंमोन- "जाइल्लड दसेनिल' नाथाय आसामनि अख्राडव जाइल्लड अरायनि। बायदि गाब बिलिरनाय गोमो गोथां बाथगां जगायसे मोनथाम। बेफोरनि मोनसेआनो जादों बडसानि बोगदार देहानि गोमो गाव। बे गाबा गोजों जोंब्लाउ खानाय। बिनिनो खौरां रोमै रोमै खोनायो। मिथि मोना मोनदां मोना। रादाबआ बिनिनो देखौ रैसुमै रिहो फैयो जोंनि खोमा गुदिआव। थानदैया बर'नि मुस्रि सोरां अनजालु समर। होफैदों गोदान खन्थाइनि खबाम सुजुनायजों महरनि बोहै गोजोन बानजों। बिनि खबाम सुजुनायनि बोहै गोजोन बान जाथों बुर्लु बुथुर बादिनो अरायनि।"

खन्थाइगिरिया गुबुन गुबुन थासारियाव बाइदिसिना खन्थाइ लिरदोंमोन। खन्थाइगिरिया मोनसे समाव

हाजोनिसमान मिजिक गोसोआव लाना गावनि गामिखौ नागरना फैदोंमोन। गावनि जोनोमफुरि गामिखौ रेल गारीयाव गाखोना जेब्ला गारबोदोंमोन अब्ला जेरैनो रेलगारिया सिगांथिं खारसिननो हमो एसेनो जोनोमफुरि गामियाबो गोजाननिफ्राय गोजान सिन जाबोनो हमो। बे समावनो रेलगारियाव जिरायना खन्थाइगिरिया "गोजान, इनाइनो गोजान" खन्थाइखौ लियो। "आय' दाउ-खल्लि" खन्थाइखौ लियो बांला खन्थाइगिरि श्रीजीबनानन्द दासनि 'हाय सिल' होन्नाय बडाली खन्थाइनि साया लाना। सना फियरबादि रोमो जानाय माइबारीनि गेजेर गेजेर गोजांबोथोर समाव निहोर गग्लेम गग्लेम थाबाय लांदोंमोन खन्थाइगिरियां। बिनिनो महराव गोमोहाबना बिथांआ 'गोजां बोथोरनि सानाव' खन्थायखौ लियो। 'आं गाबदों' खौ लियो नाजासे नाजाब्लाबो उन्दुलानो हायै मोनसे हरगेजेर समाव। गुबुन माखासेखौ लियो खन्थाइगिरिया आलाउरी गोसोया बाउली जानाय समफोराव।

1955 माइथायाव खन्थाइगिरिया गहलखना गोजौ फरायसालियाव फोरोगिरि जाहैयो। कामरूप जिला आरो खासिया जयन्तीया जिल्लानि सिमा गेजेराव गहलखना जायगाया। सोरगिदिं हाजो-हाला दैमा दैसाजों बुंफबनाय बे जायगाया खन्थाइगिरिनि गोसोआव बाइदि सानखानाय लाबोयो। बे गहलखनानि मोनसे फिसां गायजाव देरा सिडव जिरायना इन्जुर हापलनाय खिरखिजों खन्थाइ गिरिया हाजोनि

गोजौ थिखिनि फार्से हायना महराव गोमोहाबना गल' नायहरबाय थानायमोन। बिनि साखाथिजों बोहैलानाय जिरि जिरि हाजोयारि दैसाया बिनि गोसोखौ आरोबाव आवलिखां होयोमोन। बिनिनो गेजेरजों सोमजिखांबोदों 'महाबुध्दनि तपस्या', 'दावस्रीगोबा नागिरदों आं' बायदि खन्थायफोरा। जोबथारनाय सलन्थाय रादाबनि सोमोन्दै खन्थाइगिरिया गावनो एरै रायथिदों "खाफालनि दैबथिनायाव सानोमोन आंनि गोमो गोथां सिमांफोरा सिसलनि हाब्रां गिसिखानायबादि मोनफा मोनफा गिसिखा लांदोंसै - बे हाथासि समावनो बयनिखुइ उननि खन्थाय 'रादाब'नि जोनोम।"

बिनि माखासे खन्थायफोरा जोबोद गोजौ मासि मोननाय रमान्ठिक खन्थाय। बिनि खन्थायाव गावनि अनजाली सनाश्रीखौ लानानै गोसो इसिंनि दाहाखौ खन्थाय जोबजासे रिफिहोदों आरो मिथिंगानि गामियारि समायना आखुफोरा गोजोडै गेवलां सारदों। बेनि बागै ब्रजेन्द्रकुमार ब्रह्मआ औरै बुंदों- "गावनि अनजाली सनाश्रीखौ गेजेर खालामनानै इसिं दाहानि सानस्रिया जोबजासिम बोहैदों आरो अराय सिनाय खानाय गामियारि मिथिंगानि समायना सावगारिया बेफोर खन्थाइआव बेरखांदों।" अब्लाबो खन्थायगिरिआ फेलेंनि देखोखौबो बे रादाब खन्थाय बिजाबआनो दिन्थियो। खन्थाइ माखासेनि गेजेरजों बिथांनि राफोद मिजिं सान्नाय हनायनि महर, खन्थायारि खबाम, मोनदांथि बेरखानाय जो मोनों। हाजोनि समान मिजिं आरो सिमां दड खन्थाइगिरिहा गावनि गोजाम मुलुकखौ खेबसेबाव गोदान महर होनो। बे सिमां आरो मिजिंकखौ लानानै गावनि जोनोमफुरि गामिखौ नागारना जिउनि दिड जावनो खन्थाइ गिरिया ओंखारबोदों। उन्दै आरो सेंग्रासा समनि अरायबो गेलेलायग्रा गावनि अनजाली सनाश्रीनि सिगाडव फैनोसै समाव बुंथिबोदों गावनि गोसो सिडव सोमजिखानाय मोनदांथिफोरखौ-

"सनास्री, आंनि गोसोया

बै गोजावनाय अखाफोरजों लोगो जाहैबाय;"

बिब्दिनो बिथाड अखाफोरनि गारीयाव गाखोनानै बिथाड मोनसे समाव जोबोद गोजानाव सहैयो। बियो अबंनि गोमोथाव नुथायखौ नुनानै सानगोमो हाबदों आरो गावखौनो आनदायनायबो मोनदों। बिनि बे मोनदांथिआ 'गोजान इनाइनो गोजान' मुंनि खन्थायाव रिफिखांदों। बेफोर सिमांनि मिजिंकफोरखौ मोकथाडव मोननायनि जाफुंसार होनायनि बाइदि सान्नायानो खन्थायगिरिनि उन्दुनो ओंखारनायखौ सिख'नानै लांदों। बिब्दि निन्द्रा गैजायै हरगेजेर समाव बिथाड 'आं गाबदों' खन्थाइखौ लिरदों।

बेव खन्थाइगिरिया गावनो हांसो सिलारि जाना अखांसायाव बिरबायदों गावनि मिजिंक आरो सिमांखौ नायगिरबायदों-

हांसो सिलारी मासे उरायदों।

उरायदों सिमांनि जिरातखौ

मोकथाडव मोननो

गोबानानै बिखायाव बजबनानै लानो।

गावनि बे मिजिंक आरो सिमांखौ मोकथाडव माब्ला मोनगोन खन्थायगिरिनि गोसोआ उसाव बादाव बोदोर बावलि जादों-

खांसोर अखोरांनि सायखं आखाय फायखडनायाव बोदोर बाउली जानानै गोसोया बोरबाय जैरै ज'वारनि लैथोया बोरो।

खन्थायगिरिया बेव गावनि बे लोब लोब अरगालानाय हास्थायनाय लुबैनायखौ जवारनि अरगानायजों रुजुदों। खन्थाइगिरिया सिखिरिनि गां जानानैबो बिरबाय बिरबाय बे मिजिंक आरो सिमांखौ मोन्नो नागिरबायदों-

सिखिरि नोड। आड

सिखिरिनि आगर गोनां गां

बुब्राबगोन गांखौ

गोबानानै नोडखौ
उरायलांगोन सानैजों
जोबनो गैयै अखरां-बिखाव ।

नाथाय बे खन्थाया मोकथांनि दुखु दाहाखौ
नेवसिनानैसो खारखोमा लांनाय मोनदांथिया नुजाथिदों । बिथां
चौधुरीया मोनदांदोल', नाथाय साननानै मोकथाडव महर
होनो हायाखै । बे रोखोमसे सानस्रियानो "आय' दाउखल्लिं"
मुंनि खन्थायाव नुजाथिदों । दाउ खल्लिं खौ बर' बिमानि
नेसोंन महरै बाहायदों । गावनि दाहाखौ बांसिन दाखालामफै
होननानै बियो इनाइनो खुथार खुथार आरज गाबदों । बे दाउ
खल्लिंखौनो थांखिना बिथांआ बुदों-

आय' दाउ खल्लिं सना गांनि खल्लिं
सिं स' सान जौफुयाव अखोरां सायाव
दागाबसै दागाबसै नोड
गिदिं गिदिं गडनीया जिडव ।

मानोना गाबबायना माजानो । बे मुलुगाव रावबो
रावखौबो निदान सुड रावबो रावनिबो दुखुयाव आय होन्ना
राव होनो सिखां बोया ।

सोर आय होन्नानै
सुदेम आखाय हरनानै

बाउली जानाय गोसोखौ गोजोनग्लाय होनो?

बे खन्थायजों बर' बिमानि आलाइ सिलाइ जानाय
सावगारिखौ Symbol जों फोरमायथिनो नाइगिरदों । बिनि
जोनोम बिमा, जोनोम हादरनि फारसे मोनदांनाया बिनि
"दाउस्रि गोबा नाइगिरदों आं" खन्थायाव बेरखांदों । बे खन्थाया
दोंसे गोजौ माननि Symbolic खन्थाय होननानै आं
सानो । मानोना बेव हाय बर' राइजो गोमाजानाय
जारिमिनाबो बेनि नेसोंनखौ दिन्थियो । नाथाय जारिमिन
थानानैबो थगायफले जाबोबाय थादों मन'नानै दोनजादों ।
खन्थाइगिरिया अब्ला दावस्रिगोबा नायगिरबायदों ।

दावस्रिगोबाया जाबाय समनि नेसौन । बर' गामिनि साफ्रोमबो
आबादारिनि थाखाय दावस्रिगोबाया जोबोद आंगो । मेसें एबा
गोजां बोथोराव बेयो अखा नायसि नायसि समाव अखाडव
नुजाथियो । गामिनि आबादारि फोरा हरगेजेरनिफ्राय अखां
नायदाव नायदाव दावस्रिगोबा नागिरो बबे खनायाव दं होन्ना ।
बे दावस्रिगोबाया सोनाब अखाडव दैदेन्नाय महरै
नुजाथिब्लानो बर' आबादारिया माय-मारा होनायनि सम
सबाय होन्ना मिथियो । खन्थाइगिरियाबो बे दावस्रिगोबाखौनो
अखां नायदाव नायदाव नागिरदों, माबोला नुजागोन, खोमसि
हरा माब्ला जोबगोन, सोराड माब्ला नुजागोन । खन्थाइगिरिया
बे सोरांखौनो नागिरबायदों जाय सोराड बिनि खोमसि दाखा
दाखा जोमै साग्लोबनानै दोन्नाय मिजिंक आरो सिमांखौ नुजाथि
होगोन । बे सोरांखौ मोन्नो थाखायनो खन्थाइगिरिया अखां
सायाव नायदाव नायदाव नागिरबाय दों-

दाखा दाखा गोसोम जोमैया-

अखां साग्लोबबाय,

आय गुफुर गावदां अखाफोरखौ गोलेर मन'बाय ।

बेवहाय गुफुर गावदां अखाफोर होन्ना खन्थाइगिरिया
गावनि मिजिं आरो सिमांखौनो बुदों । बिनि मिजिं आरो सिमाड
जेनोबा गुफुर गावदां अखाफोरबादिसो । नाथाय बे मिजिं आरो
सिमांखौ गोलेर बादि समासो मन'ना दोनदों । बे खोमसि समा
जेन गिलु-बालु गोलेर बादिसो ।

गीलु बालु खाल हरा सोराड सोराड ।

आरो बे खोमसि हराव खन्थाइगिरिया-

गीलु बालु खोमसी हराव

अन्थाय जानाय थैहाबनाय गोथैबारीयाव

आंल' सिरि मोन्नानै दड'

हरनि आगान संनो थाखाय

अखां नाइग्दाव नाइग्दाव

दावस्रिगोबा नागिरनानै सिरिमोन्नानै दड' ।

नाथाय एसेबांनि उनावबो खन्थाइ गिरिनि गोसोआ वाइयाखै। हाजार बिजार हेँथायाबो बिनि गोसोखौ फेजेन्नो हायाखै। बिथांनि गोसोयाव गोख्रों फोथायनाय दड्दि-नेथाबनाय थानायाव गोबां दुखु दड्' मेंनाय दं, नाथाय बिनिफ्राय मोन्नाय फिथायआ जोबोद गोथाव जोबोद मिलौदो जांयो। गोथार गोसोयै मालायनि जेबो इनाय सान्नाय गैयै मावनाय हाबानि फिथाइया मालाबाबो गाज्जि जानो हाया। गोसोआव बे गोखों फोथायनायखौ लाना खन्थाइगिरिया बेखैनो नेना गौतमबुध्दनि बादि गोख्रों तपस्यायाव जदों-

सनाश्री हांगार गोसोम हराव

मोसाबादि मेगनाव अरखि फोजेन्नानै

महाबुध्दनि तपस्या खालामदों आं

महाबुध्दनि तपस्या :

महाबुध्दनि तपस्या, बे तपस्याया जाबाय मुलुगनि खोमसिखौ सौसिना सोरां लाबोनो नाजानाय हास्थायनाय तपस्या। जेरै गौतम बुध्दआ मुलुगनि मानसिफ्रा माबोरै बेमार-आजार, जोनोम आरो थैनायनिफ्राय बारग'नो हानायनि राहा नागिरना तपस्या खालामदोंमोन। बिदि गोख्रों गिदिर हाबानि थाखाय गावनि अरायसमनि अनजाली सनाश्रीखौ गोसो बायजानो गिना दाखुराय दाखुराय हांखाय हरदों-

"गोसोखौ हमथा गोसोखौ हमथा"

खन्थायगिरिया गोसोयाव गोख्रों फोथायनाय दंदि खोमसि हरा अरायबो सम थाबायथाया। बयहाबो जेरै सोमजिनाय दड्बिदिनो बयहाबो जोबनायबो थायो। नांगौबोल' नेना थानो हानाय आरो हमथानो हानाय गोसो। खन्थाइगिरिनि गोसोयाव गावनि सायाव बेसे फोथायनाय दड्बेखौ जों नैबे खन्थाइनिफ्राय मिथिनो मोनो-

खर' सानि खिरखिजों-

बै मोथांखोर अखोरांनि फार्सें नायहर नाँ

सानो आं

बिनि बिखायाव बिरलांनाय दावलिं जरासेबादि जोंबो सानसे बिरबायगोन।

हालो दैलो, आलावरी बिलावरी,

आखायाव आखाय दोन्नाँ, खुगायाव खुगा रुजुनानै।

बिथांनि 'मोनाबिलि' खन्थायआ दोंसे दोलगोनं रमान्टिक खन्थाय। खन्थाइगिरिनि जीउआव मोनाबिलि सिख्लाया जेन फैना बिनि सेंग्रा बैसोनि गासैबो सान्नाय, मिजिंकथिनाय आरो सिमांफोरनि सायाव जाफुस्लाबै समावनो मोनाबिलि गाब सारफावना होफैबाय। खन्थायगिरिनि गासैबो सिमाडानो नुवां नुवाहां समावनो आस'खान्दा रहाय जोबनांबाय।

आय' मोनाबिलि, नोंनि गोमोथाव महरनि सिडव।

मोनफुडैनि दाहा बोहैनाय आंनि मेगनाव गोरलैयो।

मोनाबिलि समाव सानजा- सोनाब एबा साहानि सुदेम बारनि मोनाबिलियाव खोलानिफ्राय सिव सिव बार बारो (खोला दिगा जीउनि जोबथा समनि इसारा होयो)।

अब्लाबो खन्थायगिरिया गासैबो बुजिजोबनो हाबायदि जोंनि बे जीउआ बारसे बिबारबादि दानो बारगलांनाय आरो-दसेनो सिरिलांनाय-

बे जीउया दाबोरसेनि

जेखि जाया

जेखि मावया

जेब्लाबो थैनायनि आखायमुथिनि।

थैनायनिफ्राय रावबो बारगनो हाया। सोरनिबा हास्थायनाय, सिमां नुनाया जाफुडखै होन्ना बिनि गोसोआव अन्नाय सोमजिखाड। जेब्लाबो थैनायनि सावगारिया खन्थाइगिरिनि गोसो फैसालियाव जाखांफैयो अब्लानो बिनि सेंग्रा बैसोनि हाजोनि समान मिजिं आरो सिमाड गिसिखालांनो हमो। बिनि बे समायना महरै बर्नायनाय सावगारी जों सलन्थाय 'रादाब' आव नुनो मोनो। रादाब सलन्थायखौ मोनबै

सानस्रियाव बोखावदों ब्लाबो सानस्रि फोरमायनाय
जोबजासिम निजोराबादि बोहैलांदों। मोनब्रै बाहागोया
जाबाय-

- (क) थफिनाय (ख) बारग्लानाय
(ग) रहायनाय आरो (घ) सिरिलानाय।
सलन्थाय जानांगौब्ला गाहायनि आखुफोरा थानांगोन-
(i) मोनसे गेदेमा मावथाय (Action) थानांगोन
(ii) आयदायाबो गेदेमा जानांगोन
(iii) आखुथायफोरा गोजौ थाखोनिफ्राय फैनांगोन,
(iv) जोहोलावआ गेदेमा जानांगोन
(v) अबंआ जायगा मोन्नांगोन
(vi) मोनदांथि थानांगोन
(vii) रावआ खहाबगोनां जानांगोन
(viii) मोजाडै जोबहैनाय जानांगोन

बे आखुथायफोरखौ समर ब्रह्म चौधुरीनि रादाब आ
लानो हादों ना हायाखै बेखौ गोथोवै बिजिर नायनि गोनांथि
दड।

(क) मोनसे मावथाय थानांगौ होन्नायनि ओंथिया
बेवहाय-

- (क) जागायनाय
(ख) गेजेर बाहागो

(ग) जोबनाय थाथारनांगौ। मोनफ्रोमबो जौगानायाव मदद
थालाय नांगौ। ब्रह्म चौधुरीया बे आयदायव जाफुदों। खन्थाइनि
हिर'आ गावनो। गावबो गोजौ थाखोनिफ्रायनो फैनाय। नाथाय
सल'न्थाया गोदान जाथोनि जादों होना बुंनो हागौ। थफिनायाव
खन्थाइगिरिनि बैसोआव नुनाय रोखोमारि मिथिंगानि स्नि
गाबआ गोजावनाय देंखो नुजाथिदों। दुखुखौ नागारना सुखुनि
दैथुनाव लोहाबना अनजालीजों थांना थानायनि सिमां सुजुदों।
जेरै-दुखुनि नड, दुखुनि नड सुखुनिसो दैथुनाव लोहाबनो
सानस्रीनो सिमां नुदों (बालाबगासे) थफिनाय।

(ख) बारग्लानाय- बारग्लानायाव खन्थाइगिरिया
गावनि सान्नायखौ मोकथाडव जाफुहोनायनि सिमां नुदों।
जायखौ मिथिंगानि रोखोमारि मोनदांथिखौ नुनो मोनो आरो
बेनिनो रादाब सफैनायनि आराव जादों। देर देखोन देरनाय
लाइमोन सिस्लानि जीउआव जीउनि रजेआ आलासि महरै
फैगोननि रादाबआ साखाथि फाखाथि हा-बार अखोरांआव
ओजों-ओजा फैनायखौ बेवहाय फोरमायनो नाजादों।

जेरै :-

ओजोंहाय रादाब हजोंहाय रादाब

रादाब साखाथि फाखाथि हा-बार अखोराडव।

(बालाबगानै)

खन्थाइगिरिया बेवहाय रमान्तिक सानस्रि बाहायदों
आरो गेजेर गेजेर गावनि गुबै थांखिनिफ्राय दोरोदनानै
थानायबादि मोनदाडो। मानो होन्नानै बुडोब्ला बियो
खुगामेथायनि इसादिसो। अदेबानि सलन्थायाव Primitive
culture आबो गुवारै जायगा मोनखायो।

(ग) रहायनाय- रहायनायाव खन्थाइगिरिया अनसुलि
जिउलुनि दैसा गाथोनाव सहैयालासिनो गुबुन सिनायमोनै
हाजो हाला अरनबारियाव सौग्राव हैदों बारहुंखानि
बुबथिंनायाव। बे खोन्दोआ कलरिजनि The Ancient
Marriner नि लैथोआव जाहाज जावलांनानै बारहुंखाजों
बुखार जानाय Tragical energy आ गसिबो जांगारबाय
थेरबेथेर

खैनाया हनै हाथखिं जाहैबाय गोजान अखंरांसायव।

(घ) सिरिलानाय- सिरिलानाआबबो खन्थाइगिरिनि
बायसानाय हाबिलास जाफुडैनि दुखु बेरखांदों। इसोरनि
खाथियाव गावनि खुद्रिनाय आरो अजद होनाया फेलें गैयाजासे
रिफिखांदों। मानोना बियो गावखौ गथायनो सानदों। गोथौयै
संदान्नानै नायोब्ला बे बिथिड ख्वायतनि रिफिखांनाया
जाखाफैदों होनानै बुंनो हागौ- जेरै-

मुलुगाव हाथासि बुंनानै दड
साबसेनि मोदैया मुक्ता जायो
जायब्लं सिमाड हादुरी जालाडे
बिखौनोथ मेगनजों सानफ्रामबो नुयो ॥

बियो गावखौनो सासे राफोद खन्थायगिरि महरै
गायसनलानो हाबाय। बिनि दिखार गोनां ओंथिया खोमाजों
खोनानायनिखुइ गोसोनि मोनदांथिजों जेब्लाबो गोदैसिन
होन्नानै सानहोदों। खन्थायाव बाहायनाय सोदोबफ्रा बर'
गुबैजोब। सल' न्याया मोनदांथि गोनां, रोखोमारि फोजोबहै
नायाव लिरगिरिया जाफुंसारदों। खन्थायारि दाथाय गहेना
दोलगोनां। ब्रह्म चौधुरीया सासे राफोद रमान्तिक
सानबोलाउरि मोन्दांथिनि बिगोमा-

खुलुमो आं नोंखौ मिथिंगा दिनै
खुलुमो आं नोंखौ सान
मोदैनि लुखौनो नोंसोरनो बाउनानै
थानोसै बिनिफ्राय दाबसेयाव गोजान।

रादाब खन्थाइनि खन्थायारि समायना गोदोनि
दिनाव सन्द एबा खबामखौनो खन्थाइनि खन्थायारि
समायनानि गुदि होन्ना सान्नाय जादोंमोन। जेराव सन्द एबा
खबाम गैया बेखौ खन्थाइनि सारियाव गनायना लानाय
जायामोन। सन्द एबा खबामनि गुबै आखुथायानो जाबाय हांखो
गोरोबनाय। बे हांखो गोरोब नायखौनो खन्थायनिफ्राय सोमजि
खांनाय मिलोदो खोनासंथाव खबाम सोमजिखांहोनायनि गुबै
जाहोन होन्ना बै समाव सान्नाय जादोंमोन। उनफार्से नाथाय
जेब्ला खन्थाइ आरो राइथायनि गलाय मोनदेर फावथाय
सोमजिखाडे अब्लानिफ्रायनो बुजिहायोदि सन्द एबा खबाम
गैया जासे लिरनायफोरानो मानसिनि गोसोखौ गोजोनगलाय
होनो हायो। अब्लानिफ्रायनो बुजि हायोदि सन्द एबा खबामानो
खन्थाइनि जीउ नड बे बाथ्राया फोरमान जायो। अदेबानि
बिदि खन्थायाव हांखो गोरोबनाय खबाम गैयाब्लाबो

मोनदांथिनि खबाम थायो। रादाबआ दोंसे आबुं महरनि
Tragedy सल'खौ बिथा खालामना लिरनाय दोंसे सलन्थाय
जेराव खन्थाइगिरिया गावनि आंगो रजेखौ खोमाना गोसोआव
बेसेबा दुखु-दाहा लाना गोजानाव जानगार लांनायनि दुखुगोनां
सावगारि एरखांदों। खन्थाइ गिरिया गावनि गोसोनि बेफोर
दुखु दाहाखौ खन्थायारि आदबजों जोबोद खहाबगोनां महरै
बर्नायनायाव जाफुंसार जानो हादों। दुखु दाहा सहायहायि
जाना जेब्ला खन्थायगिरिया दाखुराय दाखुराय जमराजाखौ
हांख्रायबायो अब्लां फरायगिरिनिबो गोसोआ गावनो गाव
दुखु मोनफाया लासिनो थानो हाया।

सोमब्रोम सोमब्रोम बिखाया आंनि
दाहाजों सोमब्रोम जानानै थाबाय।

बे खन्थाइ खोन्दोनि गेजेरजों खन्थायगिरिनि
दुखुगोनां सावगारियाल' बेरखाडखै सोमब्रोम बे सोदोब
मोनसेखौनो गले गले रिंखांहोबाय थानायाव खन्थाइया गहेना
गोनांबो जादों। आरो बिदियाव फरायगिरिनि गोसो गोर्बोआव
हाबसिन्नोबो हादों।

बेल' नड खन्थाइगिरिया गावनि गोसोनि बाइदि
थासारिखौ थों गोथोंल' बर्नायलाडलासिनो मिथिंगानि बाइदि
बेसादफोरखौबो बोदेर बोदेर बर्नायफानायाव खन्थाइआ
आरोबाव समायनासिन जादों-

फाखिनि बिलाइया बारजों मावदोंमोन
अखाडव जादोंमोन बिनिनो दोहौ।

बे फाखि बिलाइया जेन मिथिंगानि फाखि बिलाइल'
नड। बिबिदो बाराबो बारल' नड, बेयो जेन खन्थायगिरिनि
आरो बिनि आंगो रजेसो। बे बारनि बिलिरनायाव
खन्थायगिरिनि गोसोयाव जाखंफैनाय सिमाडनो जेन अखं
महरनि मुलुगाव दोहौ दिखांदों। बेव फाखि बिफाड जाबाय
खन्थायगिरिनि आरो बारआ जाबाय बिनि आंगों रजे।

बिदिनो जों नायोब्ला नुनो मोनोदि खन्थायगिरिया

मिथिंगानि बाइदि सावगारिनि महर बोलांनायाव जेरै आखा फाखा थिक बिदिनो बेफोरनि गेजेरजों गावनि गोसोनि बाइदि महरखौबो बर्नायलांदों। मिथिंगानि बिफां लाइफांआ, हाजो अखांआ जेरै बिनि खन्थायाव जायगा मोन्दों बिदिनो नखरनि बाइदि जिब जुनार फोराबो जायगा मोन्दों। मिथिंगानि महर बोनायाव खन्थाइगिरिया माबादि राफोद आखाय दिन्थिनो हादों बेखौ जों गाहायाव होनाय खन्थाइ खौन्दोखौ नायब्लानो मिथिनो हायो-

मिनिस्लु, फुड, सना सानदुडव दुगैनानै

दावसेन दावलाफोरा हनै बुब्राबदों गां।

बिलोनि बिखायाव रोमोद' सानदुडव मोसानानै फामीया फाइलीखौ होदों गेवलां ॥

बेफोरनि अनगायैबो जों समर ब्रह्म चौधुरीनि 'रादाब'

आव दाव, अमा, फारेव, जौ बाइदिखौबो रायथिनाय नुनो मोनो। बेफोर जिरादआ जाबाय गामियाव थानाय बर' फिसाफोरनि संसार जानायाव मोनफ्लेबाय थानाय बेसाद। बेफोरखौ रायथिफानायाव खन्थाइआ बर' गामिनि मोनसे सावगारि जोंनो मेगननि सिगांआव लाबोना होफैनो हादों। बेल' नड बर' सिस्लाफ्रा हिसान सालियाव दानाय फालिनि आगराबो जेबो नड, बर' सिस्लाफ्रा जेब्लाबो दाप्लेबाय थानाय थाइगिरि बिबारसो। गाथोनाव दुगैनाय आरो दै खावहैनाय सिस्लाफोराबो रावबो नड जोंनि बर' गामिनि बर' सिस्ला हामफे, दुमफे मोनसो। बेफोरनो खन्थाइनि मानखौ आरोबाव बांहोसिन्नो हादों। खन्थाइया खहाब गोनां जादों आरो फरायगिरिनि गोसोखौ बोजबनो हानाय जासिन होदों।

□□□

"We are born weak, we needs strength; helpless, we need aid, foolish, wee need reasons. All that we lack at birth, all that we need when come to man's estate, it the gift of education".

– J.J. Rousseau in 'Emile'.

जीउमा

रां

Rajib Boro

Bijoy Boro

गिरि नों जीउ सोरजिनि बुहुम संसाराव
गिरि नों जीउ बुधुमनायनि माया संसाराव
जाब जाब होरो जाब जाब लाडे
जीउआव द'सेनि थाखायल' संसारा कैयो।

थैनाय थांनायनि जेबो गेरान्टि गैया
बेलाय मानि सोरजि बुंनोसो हाया
मेंनायनि उनावबो सोफैआ सुखुआ
दाफै बुंब्लाबो कैयो दुखुआ।

बेनो संसार खालामो बेनो सुसियो
बिखायाव गैया अन्नायनि फुंखा बिनिनो
सुखु-दुखु, हांमा-हांसा, जानाय-लौनाय मिथिस'वा
जीउ थुन्नयनायनि हुदाखौ मानो बावा।

हाया नोंखो बुजायनो हाया आंगो खालामनो
थैब्लाबो थांब्लाबो अराय सम बेनो जौनो
गोहोगोरा नों, शक्तिसालि नों रावबो मिथिया
जेराव लाडे बेयावनो थाडे जेबो खालामनो हाया।

अराय सम जोंखो हसोबोगासिनो थायो
सम मोनब्लानो बिमा-बिफ्निक्राय नेवसिना लाडे
सान गैया, हर गैया नुवाहां नुवाहां कैयो
बयखौबो बजबनानै गोथैबारियाव थबस्यै लाडें। ▶ ▶ ▶

रां रां रां
नों मानो महिनि गोनां
मा दडे नोंहा?
बुहुमनि सुबुं माहारिआ जायो
नोंनि थाखाय बावलिया।
सोर नों मानो कैदों?
जौनि बे बुहुम बिखायाव
खालामना लायो जौरवौ दाहोना।
मा दडे नोंहा,
जायो जौं नोंनि थाखाय फाग्ला।
रां रां रां
नों मानो महिनि गोनां
मा दोडे नोंहा;
नों नडब्ला जौं आगानसेबो
बारनो हाया।
थायो नों मानसिनि जेबसिडव
खेंखा-खेंखि महर लाना।
सोर सोरजिदों नोंखौ
एरै बायदि महर लाना
दा खालाम दा खालाम सुबुंफोरजौं भावथिना।

▶ ▶ ▶

सिमां

Anjima Narzary
H.S. 2nd Year

आय मा एसेबां समायना
बे सिमांआ ।
इनायनो खाथिथार
नुजा कैयो नों साया-माया
सानफा एफा आंनि मेगनाव ।
जेबोला नुयो आं नोंखौ
रिथि-रिथा जोंनाय
हाथरखिनि महराव
अबोला आंहाबो गोसो जायो
नों बायदि बे फैलाव भुम बिखायाव ।
आलो गोजोनै अराय सम जिउ खुंनो
नेनानै दड् आं नोंखो अराय सम
खाथियाव मोननो थाखाय सिमां
लाना ।
गोसोआ नोंनि मा बायदि ?
नोंनि खोथाया आंखौ अराय
गाबहोयो आरो मिनिहोयो,
माब्लाबा सिगिहोयो आरो रंजा होयो
नों आंनि सिमांआव साया माया
फैना ।
बेखाइनो सानबायो आं अरायसम,
सान हर फुं बेलासि
मोगथाडाव नोंनि खोथा ।
नोंनो आंनि गोसोखौ
खालामबाय हांमा हांसा

सोमोनांहोबाय ।
आय'! बेनोमोन नामा ?
बयनिबो गोसोखौ
सिमांनि गेजेरजों
सिमांखौ लाना
फोथायहोग्रा, मुहिहोग्रा । ▶ ▶ ▶

दोंसे खन्थाय रजेनिसिम

Hadarshree Narzary
H.S. 2nd Year

मोनाबिलिनि खोमसिनि आन्दोआव

सुजुदों आं दोंसे खन्थाइ

अनजालुनि सिमां लानानै।

गोसोया गावरवांदों आनि

जाफुडै मिजिंनि दाहायाव।

मिथिगौ ना रजे नों।

मोनसे गोथार मोजां मोन्नाय

जेरावनाखि दंमोन नोंजों आंजों,

नाथाय मानोदि नागारलांखो

आंखो लामा ससेआव नों

बावलांखो मानो नों

बै सानैजों सुजुबोनाय सिमांखौ।

नोजोराव आनि गोजानाव थाब्लाबों

नाथाय गोसोआ अरायबो

नोंजोंनो लोगोसे थागोन रजे। ▶ ▶ ▶

अर

Krishna Basumatary
H.S. 2nd Year

अर अर अर

मा- नों अर?

सालाय गोलाव नोंहा

जेरैबो खालामनो हायो नों

गोरा बेसादखौ खालामोनों गुरै

गिसि मुवाखौ खालामोनों गोरान।

नाथाय नोंहा एथग्राव गोहो दड

मुलुगनि बेसादखौ खालामोनों हांगार

नों गैयाला मुलुगाव जेबोआनो जाया।

मा दड नोंनाव

मा गोहो दड नोंहा

अर अर अर

मानसिनि सोलेरावबो थायोनों अर

नों गैयाब्ला मानसि सुबुड थांना थाया

जेब्ला हारनि फाखनाव गोग्लैयो

अब्ला नोंखौ नागिरो जों।

नाथाय नों जेरावबो गोसारनानै दड

बिनि खायनो नोंमुलुगनि गुदि। ▶ ▶ ▶

JAWAHARJYOTI

Vol.- XXXI

SESSION-2008-09



ENGLISH SECTION

Editor
Dhanmoni Boro

In-charge
Bijaya Deka

Asstt. Editor
Namal Deka

CONTENTS

☞ Mother Teresa	129
● <i>Anna Kerketta</i>	
☞ Heritage of North East Games	131
● <i>Bhrigumoni Boro</i>	
☞ The End of the king of Pop	133
● <i>Anuk Sunar</i>	
☞ Sound	136
● <i>Kankana Dutta Baruah</i>	
☞ Operations Research and Linear Programming	139
● <i>Dipankar Sarma</i>	
Appendix	144-152